

LEIÐBEININGAR UM GERÐ TILVÍSANA

INNIHALD

INNGANGUR.....	1
1. AFGREIÐSLA MÁLA HJÁ SKÓLASKRIFSTOFU.....	2
2. ÁSTÆÐUR TILVÍSANA.....	3
2.1. GRUNUR UM ÞROSKAFRÁVIK/ALMENNIR NÁMSERFIÐLEIKAR.....	3
2.2. MÁL, TAL OG RÖDD.....	4
2.3. LESTUR OG RITUN.....	5
2.4. STÆRÐFRÆÐI.....	6
2.5. SVEIGJANLEG SKÓLASKIL.....	6
2.6. HEGÐUN OG LÍÐAN.....	7

INNGANGUR

Leiðbeiningar þessar eru ætlaðar grunnskólakennurum/leikskólakennurum (hér eftir kennurum) sem vísa málum til Skóla- og félagsþjónustu Grindavíkur (hér eftir skólaskrifstofu). Markmiðið er að gera tilvísanir til skrifstofunnar markvissari og skýrari.

Um sérfræðiþjónustu við leikskóla er fjallað í 21. og 22. grein laga nr. [90/2008](#) um leikskóla. Í 22. gr. laganna segir m.a.: "Börn sem þurfa sérstaka aðstoð og þjálfun, að mati viðurkenndra greiningaraðila, eiga rétt á slíkri þjónustu innan leikskólans. Þjónusta þessi skal fara fram undir handleiðslu sérfræðinga samkvæmt ákvörðun leikskólastjóra og sérfræðiþjónustu skv. 21. gr. í samráði við foreldra". Nánar er fjallað um þjónustuna í reglugerð nr. [584/2010](#) um starfsemi leikskóla.

Í þriðju málsgrein 40. greinar laga númer [91/2008](#) um grunnskóla segir m.a. "Foreldrar nemenda geta óskað eftir greiningu [...] auk þess sem skólastjóri, kennarar eða starfsmenn heilsugæslu geta lagt fram ósk um greiningu í samráði við og með samþykki þeirra. Sérfræðiþjónusta sér um að greining fari fram, skilar tillögu til skólastjóra um hvernig við skuli bregðast, fylgist með úrbótum og metur árangur". Ákvörðun skólaskrifstofu um að hafna beiðni um greiningu er kæránleg sbr. síðustu málsgrein sömu greinar en þar segir: "Sé foreldri synjað um beiðni um greiningu skv. 3. mgr. verður sú ákvörðun kærð samkvæmt fyrirmælum 47. gr. Ráðuneytið getur í úrskurði mælt fyrir um að tilteknum nemanda skuli veitt greining í samræmi við ákvæði þessarar greinar."

Áður en máli er vísað til skólaskrifstofu þarf skólinn að ganga úr skugga um að hann hafi reynt að leysa málið með þeim úrræðum sem hann hefur yfir að ráða.

1. AFGREIÐSLA MÁLA HJÁ SKÓLASKRIFSTOFU

Tilvísanir berast að jafnaði frá nemendaverndarráði grunnskóla eða frá deildarstjórum leikskóla. Þær eru teknar fyrir á reglulegum fundum sérfræðiþjónustunnar og verkefnum útteilt eftir eðli þeirra. Vinnsla er hafin á fundi með umsjónarkennara/deildarsjóra og foreldri eða með viðtölum við foreldra og/eða nemanda. Á fundi eða í viðtölum er nánari upplýsinga leitað og/eða sett niður áætlun um aðgerðir á meðan á greiningarferli stendur eða eftir aðstæðum.

Að lokinni greiningu sálfræðings/sérkennara er haldinn skilafundur með foreldrum og kennurum þar sem kynntar eru niðurstöður og tillögur að úrræðum. Á skilafundi fá aðilar skilagrein með niðurstöðum. Greiningaraðili gerir áætlun um eftirfylgd í samráði við skóla og heimili út frá eðli málsins og kennsluráðgjafi fylgir henni eftir í skólanum.

Að lokinni greiningu talmeinafræðings er niðurstaða sett saman í skilagrein sem skóli og foreldrar fá eintak af á skilafundi. Eftir eðli vanda er mismunandi þjónusta í boði. Í sumum tilvikum er nemanda vísað í þjálfun á stofu hjá sjálfstætt starfandi talmeinafræðingi. Talmeinafræðingur leiðbeinir um ferlið. Í öðrum tilvikum á nemandi rétt á talmeinaþjónustu í nokkur skipti eftir þörfum innan skólans. Talmeinafræðingur veitir ráðgjöf, eftirfylgd og er í sumum tilvikum í þjónustuteymi barns. Ef nemandi á rétt á talmeinaþjónustu innan skólans er gerð krafa um að foreldrar mæti með nemanda í fyrsta skipti sem hann kemur í þjálfun og foreldrar sinna æfingum heima undir leiðsögn talmeinafræðings.

Skilafundi sitja foreldrar, umsjónarkennari/deildarstjóri, yfirmaður sérkennslumála skólans eða deildarstjóri stigs.

Um meðferð og varðveislu gagna fer skv. lögum nr. 77/2000 um persónuvernd og meðferð persónuupplýsinga og lögum nr. 66/1985 um Þjóðskjalasafn Íslands.

2. ÁSTÆÐUR TILVÍSANA

Ástæður tilvísana geta verið margbreytilegar. Hér kemur lýsing á helstu ástæðum þegar einstaka nemendum er vísað til skólaskrifstofu.

2.1. GRUNUR UM ÞROSKAFRÁVIK/ALMENNIR NÁMSERFIÐLEIKAR

Þegar nemandi vîkur marktækt í þroska frá því sem eðlilegt getur talist miðað við jafnaldra hans vaknar grunur um þroskafrávik. Telja má frávik marktæk ef barnið er meira en einu ári á eftir jafnöldrum. Erfiðleikar barns sem komið er á grunnskólaaldur birtast sem slök geta í fleiri en einni námsgrein. Tilvísun vegna gruns um þroskafrávik er hægt að rökstyðja með frávikum í máltjáningu eða málskilningi, gróf- eða fínhyfiproska, frávik í rökhugsun, minni, ályktunarhæfni, skilningi á orsakasamböndum og tímaröð atburða, skilningi á tilgangi ýmissa fyrirbæra þjóðfélagsins, siðgæðisþroska og félagsþroska.

Áður en skólaskrifstofu er send tilvísun vegna gruns um þroskafrávik þarf skólinn að hafa gert samanburð á getu eða þroska barnsins með þeim mælitækjum sem hann hefur yfir að ráða. Í því sambandi má nota Smábarnalistann fyrir börn á aldrinum 18-38 mánaða sem metur gróf- og fínhyfingar, sjálfsbjörg, hlustun og tal, Íslenska þroskalistann sem metur gróf- og fínhyfingar, sjálfsbjörg, hlustun, tal og nám fyrir 3ja - 6 ára börn, AAL- listann, sem er athugunarlisti fyrir atferli leikskólabarna, TRAS sem er skráningarlisti til að fylgjast með máltöku tveggja til fimm ára barna, Orðaskil, málþroskapróf sem metur orðaforða og setningagerð og er ætlað börnum frá 18 mánaða til 36 mánaða, Hljóm-2, skimunartæki til athugunar á hljóð- og málvitund leikskólabarna, Teikniverkefni Tove Krogh ætlað 6 ára börnum, hópathugunum í lestri og stærðfræði og mati á hreyfiþroska, árangur á samræmdum prófum, skólaprófum eða öðrum verkefnum. Tilvísuninni þurfa að fylgja upplýsingar um hvort/hvaða sérfræðingar hafi metið þroska nemandans.

Fylgigögn með tilvísun vegna gruns um þroskafrávik eru:

- ✓ 1½ til 5 ára börn:
 - Upplýsingar frá kennara barna á aldrinum 1 ½ til 5 ára ([ASEBA](#))
 - Spurningalisti yfir atferli barna á aldrinum 1 ½ til 5 ára ([ASEBA](#))
 - Athuga að nota ASEBA lista sem spyr einnig um málþroska
 - Smábarnalistinn eða Íslenski þroskalistinn
 - M-CHAT (1,5-3 ára) eða CAST (3-5 ára) ef grunur er um einhverfu.
 - Niðurstöður skimana á leikskóla.
 - Greinargerð kennara um stöðu nemanda.
 - Upptaka úr leikskólstarfi
- ✓ 6 til 18 ára:
 - Upplýsingar frá kennara barna á aldrinum 6-18 ára ([ASEBA](#))
 - Spurningalisti yfir atferli barna og unglunga á aldrinum 6-18 ára ([ASEBA](#))
 - Spurningar um styrk og vanda (SDQ)
 - Ofvirkniþvarðinn (ADHD-rating scale)
 - ASSQ Skimunarlisti fyrir einkenni einhverfu

- Greinargerð kennara um það sem hefur verið gert í skólanum skv. tilvísunarblaði og um stöðu nemanda.

2.2. MÁL, TAL OG RÖDD

Málproski:

Pegar nemandi vikur marktækt í málproska frá því sem eðlilegt getur talist miðað við jafnaldra hans vaknar grunur um málproskafrávik. Telja má frávik marktæk ef barnið er meira en einu ári á eftir jafnöldrum.

Áður en skólaskrifstofu er send tilvísun vegna gruns um frávik í máli, tali eða rödd þarf skólinn að hafa gert samanburð á getu eða þroska nemanda með þeim mælitækjum sem hann hefur yfir að ráða og varða erfiðleika barnsins. Í því sambandi má nota Smábarnalistann fyrir börn á aldrinum 18-38 mánaða sem metur m.a. hlustun og tal, Íslenska þroskalistann sem metur m.a. hlustun, tal og nám fyrir 3ja - 6 ára börn, TRAS sem er skráningarlisti til að fylgjast með máltöku tveggja til fimm ára barna, Orðaskil, málproskapróf sem metur orðaforða og setningagerð og er ætlað börnum frá 18 mánaða til 36 mánaða, EFI-2 sem er málproskaskimun fyrir börn á fjórða ári, Hljóm-2, skimunartæki til athugunar á hljóð- og málvitund leikskólabarna, Leið til læsis sem er lesskimunarpróf fyrir börn á yngsta stigi grunnskólans og LOGOS sem er greiningartæki vegna lestrarerfiðleika. Tilvísuninni þurfa að fylgja upplýsingar um hvort/hvaða sérfræðingar hafi metið þroska nemandans og afrit af þeim gögnum.

Leikskólabörn. Með tilvísun leikskólabarna skal fylgja greinargerð þar sem kemur fram:

- ✓ Hvernig vandinn lýsir sér í leikskóla og á heimili nemandans
- ✓ Hvernig vandinn háir nemandanum að mati foreldra/forráðamanna og starfsfólks
- ✓ Hvernig hefur verið brugðist við vandanum í leikskóla og á heimili nemandans
- ✓ Hversu lengi áhyggjur hafa verið til staðar
- ✓ Málumhverfi nemandans, tungumál sem hann talar og hvort hann fæddist á Íslandi

Grunnskólabörn. Með tilvísun grunnskólabarna skal fylgja greinargerð ef nemandanum hefur ekki verið vísað áður til talmeinafræðings vegna málproska. Í greinargerð skal koma fram:

- ✓ Hvernig vandinn lýsir sér í grunnskóla og á heimili nemandans
- ✓ Hvernig vandinn háir nemandanum, félagslega og námslega, að mati foreldra/forráðamanna og starfsfólks
- ✓ Hvernig hefur verið brugðist við vandanum í grunnskóla og á heimili nemandans
- ✓ Hversu lengi áhyggjur hafa verið til staðar
- ✓ Málumhverfi nemandans, tungumál sem hann talar og hvort hann fæddist á Íslandi

Fylgigögn með tilvísun vegna gruns um frávik í málproska. Látið fylgja með þær niðurstöður sem til eru:

- ✓ 1½ til 5 ára börn:
 - Smábarnalistinn
 - Íslenski þroskalistinn

- TRAS skráningarlisti
- Orðaskil málþroskapróf
- EFI-2 málþroskaskimun
- HLJÓM-2
- Greinargerð, sjá lýsingu að ofan
- ✓ 6-18 ára:
 - Leið til Læsis lesskimun
 - LOGOS lesskimun
 - Spurningar um styrk og vanda (SDQ)
 - Greinargerð, sjá lýsingu að ofan

Framburður, stam og rödd:

Ef áhyggjur vakna vegna framburðar, stams eða raddvanda skal fylla út tilvísun til skólaskrifstofu. Greinargerð þarf ekki að fylgja tilvísun en æskilegt er að eftirfarandi fylgigögn fylgi ef niðurstöður liggja fyrir:

- ✓ 1½ til 5 ára börn:
 - Smábarnalistinn
 - Íslenski þroskalistinn
 - TRAS skráningarlisti
 - Orðaskil málþroskapróf
 - EFI-2 málþroskaskimun
 - HLJÓM-2
- ✓ 6-18 ára:
 - Leið til Læsis lesskimun
 - LOGOS lesskimun
 - Spurningar um styrk og vanda (SDQ)

2.3. LESTUR OG RITUN

Gert er ráð fyrir að í allri lestrarkennslu sé farið eftir aldursmiðuðum markmiðum lestrarstefnu grunnskólans. Áður en beðið er um greiningu á lestrar- og ritunarerfiðleikum þarf að athuga eftirfarandi:

- Að nemandinn sé marktækt slakari en bekkjarfélagarnir í lestri og ritun.
- Að stöðug lestrarþjálfun hafi verið í gangi bæði heima og í skólanum.
- Upplýsingar frá forráðamönnum um heilsufar, máltöku og þroskasögu hafi verið aflað.
- Gengið hafi verið úr skugga um að lestrarerfiðleikarnir stafi ekki af skertri heyrn eða sjón.
- Niðurstöður úr HLJÓM-2 sem lagt er fyrir á síðasta ári í leikskóla.
- Unnið hafi verið úr niðurstöðum lestrarskimana.
- Niðurstöður hreyfiþroskaprófs frá íþróttakennara hafi verið athugaðar.
- Álit foreldra/forráðamanna á stöðu nemandans í lestri og ritun liggja fyrir.

- Framfarir hafi verið hægar eða stöðnun í lestrar- og/eða ritunarferlinu.
- Athugaðar hafi verið niðurstöður samræmdra prófa, bæði á einstaklings- og bekkjarvísu.

Fylgigögn með tilvísun vegna lestrarerfiðleika eru bakgrunnsupplýsingar – gátlisti.

2.4. STÆRÐFRÆÐI

Áður en beðið er um greiningu á stærðfræðierfiðleikum þarf að athuga eftirfarandi:

- Að nemandinn sé marktækt slakari en bekkjarfélagarnir í stærðfræði.
- Athugaðar hafi verið niðurstöður einstakra þátta samræmdra prófa, bæði á einstaklings- og bekkjarvísu.
- Unnið hafi verið úr niðurstöðum stærðfræðiskimana.
- Álit foreldra/forráðamanna á stöðu nemandans í stærðfræði liggi fyrir.

Fylgigögn með tilvísun vegna stærðfræðierfiðleika eru niðurstöður skimana.

2.5. SVEIGJANLEG SKÓLASKIL

Í grunnskólalögum segir í 15. gr: Skólaskylda barns hefst að jafnaði við upphaf skólaárs á því almanaksári sem barnið verður sex ára. Foreldrar barns geta sótt um eða samþykkt að það hefji skólagöngu fyrr eða síðar. Skólastjóri getur veitt slíka heimild að fenginni umsögn sérfræðipjónustu.

Þegar skólaskrifstofan er beðin um álit vegna sveigjanlegra skólaskila eru eftirfarandi þættir m.a. skoðaðir:

Flýting:

- Kunnátta og þroski (vitsmuna-, mál-, hreyfi- og félagsþroski) þarf að vera eins og best gerist hjá ári eldri börnum. Leiða þarf líkum að því að barnið tilheyri námslega efsta þriðjungi ári eldri barna.
- Greind þarf helst að ná 130 stigum.
- Líkamsþroski og heilsufar þarf að vera gott.
- Barnið þarf að vera fært um að aðlagast auðveldlega nýjum aðstæðum og vera vel fært um að standa á rétti sínum gagnvart öðrum börnum.

Seinkun:

Sambærileg atriði (vitsmunastarf, hreyfi-, félags- og málþroski) eru metin þegar hugmynd kemur fram um að lengja leikskóladvöl barns.

Fylgigögn með beiðni um mat vegna sveigjanlegra skólaskila eru:

- ✓ 1 ½ til 5 ára börn:
 - Upplýsingar frá kennara barna á aldrinum 1 ½ til 5 ára ([ASEBA](#))
 - Spurningalisti yfir atferli barna á aldrinum 1 ½ til 5 ára ([ASEBA](#))
 - Íslenski þroskalistinn
 - Niðurstöður skimana í leikskóla.

- ✓ 6 til 18 ára:
 - Upplýsingar frá kennara barna á aldrinum 6-18 ára ([ASEBA](#))
 - Spurningalisti yfir atferli barna og unglunga á aldrinum 6-18 ára ([ASEBA](#))
 - Spurningar um styrk og vanda ([SDQ-Ice](#)) (F=foreldrar, K=kennari)
 - Gátlisti vegna tilvísunar
 - Greinargerð kennara og foreldris.

2.6. HEGÐUN OG LÍÐAN

Ef nemandi sýnir hegðunarfrávik eða grunur er um slæma líðan þess er tilefni til að kanna hvaða ástæður liggja að baki. Hér sem endranær er mikilvægt að efna til samstarfs við forráðamenn barnsins til að vinna bug á vandanum. Brýnt er að skólinn beiti þeim úrræðum sem hann hefur yfir að ráða þegar vandans verður vart. Ef úrræði skólans og foreldra bera ekki tilætlaðan árangur er ástæða til að óska eftir atbeina skólaskrifstofu til að greina vandann.

Fylgigögn með tilvísun vegna hegðunarfrávika eða vanlíðanar eru:

- ✓ 1½ til 5 ára börn:
 - Upplýsingar frá kennara barna á aldrinum 1 ½ til 5 ára ([ASEBA](#))
 - Spurningalisti yfir atferli barna á aldrinum 1 ½ til 5 ára 6 til 18 ára: ([ASEBA](#))
 - Matslisti um hegðun á heimili, (4-11 ára) ([HSQ](#))
 - Atferlisskráning
 - Greinargerð um stöðu barnsins frá leikskóla
 - Upptaka úr leikskólastarfi

- ✓ 6-18 ára:
 - Upplýsingar frá kennara barna á aldrinum 6-18 ára ([ASEBA](#))
 - Spurningalisti yfir atferli barna og unglunga á aldrinum 6-18 ára ([ASEBA](#))
 - Sjálfsmatslisti barna og unglunga á aldrinum 11-18 ára ([ASEBA](#))
 - Spurningar um styrk og vanda ([SDQ-Ice](#)) (F=foreldrar, K=kennari)
 - Matslisti um hegðun á heimili, (4-11 ára) ([HSQ](#))
 - Ofvirkni- og athyglisvarðinn (ADHD-rating scale)
 - ASSQ skimunarlisti fyrir einkenni á einhverfurófi
 - Greinargerð kennara um aðgerðir í skóla og stöðu nemanda.

Endurskoðað í okt 2016

Víkurbraut 62, 240 Grindavík Sími: 420 1100